

## **Gogo - Mhoneko Mandiko Gono Gelile - Salvation Scriptures**

**WaEfeso 2:2 Na mwipango lilyo mwekalilaga mu mikalile mibi ya mononze yi, nanye mukawa mukumuholika u muwaha wo muhe mubi we vilungo wa mu mwanya, wo muhe wono wuwatemile alu, iwanhu wono si wakumuholika u Mulungu.**

**Matayo 6:10 U wutemi wako wuze yono wukuhila yitumwe kono'nze nha vyono ku wulanga.**

**Luka 22:42 “Baba, hono wende, wumbusize cikombe cici co Wusungu, ninga si wuhile wangu, langa wuhile wako witumwe.”**

**Yohana 16:7-9 Ninga nghumulonjelenyi mbeka, vyono, ho vyowa viswanu kuli nyenye hono mbite, ku soko ane hono ndece kubita, u Mutazi si komuzizenyi yaye. Ninga hono mbite, ale, nomutuma kuli nyenye. 8 Nayo kolo yakuza, kowakangaziza we yinze, vyono wasutizye, kuli zo wubi, na zo wiling'ano, na ze ning'aniza yo Mulungu. 9 Wasutizye kuli zo wubi, ku soko vyono si wanyihuwiye nene,**

**2 Timoteyo 2:10 holeka nghukangalila muli vyose ku soko ye wahagulwa wo Mulungu, nawo nhavivyo ho watuje u Wukombozi wono wukuziza mu nzila ya Yesu Kilisito, kanyhi wono wuletaga lukumyo Iwe cibililila.**

**WaLumi 15:20,21 No wuhile wangu, wali kuluganula u Luganuzi Luswanu ho hose, ihanhu hono ilitagwa Iya Yesu likali nahulikwa, ho nize ndece kuzenga mucanya yo musinji wa munhu yunji. 21 Nha vyono gakulonga i Mandiko Gono Gelile. “I wanhu wose wono wakali si naganulilwa izinghani zakwe, wolowona, Na wono wakali si nahulika, Wolokwizuka.”**

**Watumwa 2:36,37 “Ne mhuga yose ya Isilayeli yiwanoyeye wamanye manyi manyi, nha vyono, u Mulungu yamunoza yuyo, kuwa yo Muwaha kanyhi yo Kilisito, yuyo Yesu mono mwamutumbika nyenye.” 37 Iwanhu waza hulika zizi, wakahomeka mu nhumbula zawo, wakamutya Petelo ne watumwa wayagwe, wakatya, “Alo citende wule wandugu zetu.”**

**WaHebelaniya 4:2 Hambi nha caganulilwa u Luganuzi Luswanu nha vyono Iwaganulilwa kuli wawo wanhu we katali. Ninga i nghani yiyo si yawakwila cinji, hamba wawe wayihulika, ninga si wasuma kuyibocela ko wihiwilo.**

**Yelemiya 24:7 - Matayo 22:37 Yesu yakamupitula yakamutya, “Wumwendaje u Muwaha Mulungu wako kwe nhumbula yako yose, na ko mutima wako wose, na kwe mahala gako gose.**

**Watumwa 16:14 Mucekulu yunji wa muli wawo wono wacihulicizaga, litagwa Iyakwe Ludiya, mono yamogopago Mulungu, wa mwi'kaya Iya Tuwatila, mono yaguzaga myenda ye bafuta, ye liwala Iyo lugandu. U Muwaha**

**yayidigula inhumbula yakwe, yakazibocela zinghani zono Pawulo yazi longaga.**

**Matayo 13:14-16** Holeka kuli wene, zikuficilicila azilya zono zalongwa no muwizi Isaya zono yatya, ‘Kuwuhulice, mohulika, ninga hamba si mokwizuka yaye, nako ku wulanje molanga, ninga hamba si mowona ng’o. 15 Hambi i mahala ge wanhu wawa nha galelepe, ne makutu gawo wagaziwaze, ne meso gawo wafufunize. Yali yiwe si nhavivyo, mhali wali wawone ne meso gawo, kanyhi wali wahulice kwe makutu gawo, no kuwa no wizuce mu mahala gawo ho wamhitucile, vyo yakutya u Muwaha, Nane ho nali niwaponye.’ 16 “Holeka anye muli wamoti, vyono i meso genyu gakuwona, ne makutu genyu gakuhulika.

**Isaya 6:9,10 - Watumwa 28:27** Ku soko imahala ge wanhu wawa nha galelepe, ne makutu gawo, makamu ku wuhulice, ne meso gawo wagafufunize. Mhali si nhavivyo, wali wawone kwe meso gawo, wali wahulice kwe makutu gawo, wali wezuce kwe mahala gawo, wawo wali wamhitucile, yakutyo Muwaha, nane nali niwaponye.’ ”

**Maluko 4:11,12** Nayu Yesu yakawatya, “Anye mupejigwe kumanya ze cinyele zo wutemi wo Mulungu, ninga kuli walya wono wali kunze, wolonjelwa zose mu vihwanicizo. 12 ‘Ho walanje mbeka, ninga walece kuwona. Wahulicize mbeka, Ninga walece kwizuka. Hono si nhavivyo, wali wamupitucile u Mulungu, nayo yali yawanenele.’ ”

**Yohana 12:39,40** Ku soko yiyo, si wasuma kwihuwila, hambi Isaya nha yatya kanyhi: 40 “U Mulungu kawabofuza meso gawo, Kawapuvya i mahala gawo Ho walece kuwona ne meso Hamba walece kwizuka mu mahala gawo Hamba kumhitucila ho niwaponye.”

**WaLumi 11:7,8** Alu ma? Iwanhu wa Isilayeli, si wacituga cono walondolaga, langa iwhagulwa wo wacituga. Wanji wakanozwa kuwa wakamu. 8 Nha vyono gakutya i Mandiko Gono Gelile. “U Mulungu yazinoza izinhumbula zavo ziwe nghamu, Sunga nalu, si wakusuma kuwona kwe meso gawo. Hamba kuhulika kwe makutu gawo.”

**2 WaTesalonike 2:10,11** nayo kokwitumamila u wulambi we mawala gose kuli awalya wono wali mu wajilile. Wawo nawo wolokwajilila ku soko vyono si wawubocela hamba si wayenda yiyilya i mbeka ho wapone. 11 Holeka nayo u Mulungu yakawawika hasi ye vilungo vyo wajilile, ho wawihuile u wulambi.

**Matayo 13:18-23** “Ale, alu muhulicize i nhunizo ye cihwanicizo ca yuyo u muhadika mbeyu. 19 U munhu wo wose mono yakuyihulika inghani yo Wutemi, hamba kuyizuka yaye, yuyo yo yehwanile i zimbeyu zizilya zono zagwa mu nzila, nayo u Mubi kazaga no kuyisukula ayilya yono yali yakondya kuhadikwa mu nhumbula ya yuyo munhu. 20 Nayu i mbeyu yono

**yahadikwa hono hogali i mabwe, yihwanile u munhu mono yakuyihulika nghani yiyo, na hobaho yakuyibocela na nyemo mbaha. 21 Ninga inghani yeneco si yikumwinjila muno muno no kuwa ne milela muli mwene, holeka yakujendelela kuyikamisa inghani yiyo kwa cidaha cidodo vivi du, na kolo gakumuziza i magayo hamba wutamiswe ku soko ye nghani yiyo, u munhu yuyo hodu yakuyileka kamonga. 22 I mbeyu ayilya nayo yono yagwila mu mabici ge mamivya, yihwanile u munhu mono yakuyihulika inghani, ninga i mahwele ga mononze yiyi hamonga ne masulumizi gayo ge zisawo, zikuyititiliza inghani yiyo, holeka u munhu yuyo si yakusuma kulela mikalo. 23 Nayo i mbeyu yono yagwila mu muhangha muswanu, yihwanile u munhu mono yakuyihulika inghani yiyo no kuyizuka, no munhu yuyo kaleлага i mikalo, ne mbeyu monga yilavyaga mhece igana limonga, na yinji yikulavya makumi mutandatu, na yinji makumi madatu.”**

**2 WaKolinto 3:15,16 Heya, sunga ne zuwalili du baha, ho hose Iono wukusomwa Wulajilize wa Musa, mahala gawo gawezaga magubice. 16 Ninga i cicitizo cico cosuma kuwuswa, nha vyono gakutya i mandiko kuli za Musa, “Yali yeza kumupitucila Muwaha, ne cicitizo cakwe cikawa kuwuswa.”**

**Hoseya 11:3-7 - Matayo 11:28-30 Ale, muze kuli'ne anye wose mono mukugazika, na mono muvunice ne mitegulo yenyu, nane nomucehezenyi. 29 Mwiwicilaje u lubano Iwangu, mwiyijize kuli'ne, hambi ane nha nili mupolo, kanyhi nili mwinenenyhezi mu nhumbula, nanye motuga wutuzwe mu zinhumbula zenyu. 30 Hambi u lubano Iono nghumupelenyi ane, nha Iupelu, hamba no mutegulo wangu si muzito yaye.”**

**Watumwa 26:18 Kowabunzulula i meso gawo, ho wasume kuwuka ku wutitu, ho wapitucile kuzelu, wawuce mu vilungo vya Setani, wamupitucile Mulungu, na so wihuwi, ho watuje wunenelwe wo wubi, ho watuje wuhazi, hamonga na walya wono wakondya kuwa wanhu wo Mulungu.’**

**2 Timoteyo 2:24-26 Yimunojeye mwitumami wo Muwaha yalece kugombana ne wanhu. Langa yimunojeye yawe mupolo kuli wanhu wose, yeze mwijizi muswanu, kanyhi mono yena no wukangalizi, 25 mono mupolo, Iono yakuwalanjiza walugu wakwe, lunji u Mulungu kowapela cilejeho co kunena, nawo ho wayimanye i mbeka. 26 Nawo u wizuce wawo, ho wowawuyila kanyhi, nawo ho wawuce mu mutego wa Setani mono yali yakondya kuwebata no kuwanoza wamuhulice muli zose zono yakuzisaka mwene.**

**Wugubule 3:17-19 Agwe wukwiyitya, ‘Ane nili mugoli, nina vinhu vyose, hamba si nyanjize cinji co cose.’ Kumbe si wumanyile vyono agwe wuli musocele, kanyhi wuli munhu wo kuwonelwa lusungu, wuli muciwa, kanyhi wuli mubofu, kanyhi wusawuce! 18 Alu ane nghukupela yihala**

**nhavi, wugule kwangu zahabu swanu muno, ho wuwe wuli mugoli mbeka. Kanyhi nghukunena, dedede, wugule ne vivwalo vizelu, wuvwale, ho wugubicize cevu ce cipwi cako. Wugule kanyhi ne mafuta, wibace mu meso gako ho wuwone. 19 Ane yo nene mono nghumulanjiza no kumutacila munhu wo wose mono nimwendile. Holeka wikamilizaje, wunene, wu wulece wubi wako.**

**2 WaKolinto 7:10 Hambi u wukalale wono witumamilwaga no Mulungu, nha wuletaga wupituce wa mu nhumbula, u wupituce wono wuletaga mhoneko, holeka hasina soko yo kuwona nha wambuce. Ninga u wukalale we ciyinze-yinze, awo wuletaga 'fwa.**

**1 Watemi 18:37 - Mulungu turned heart back to Mulungu**

**2 WaKolinto 4:4 Wawo si wehuwiye vyono mulungu we yinze yiyino yawatajila wutitu mahala gawo, ho walece kuwuwona calinze u wuzelu wo Luganuzi Luswanu lo lukumyo Iwa Kilisito, mono yo cihwani ce mbeka co Mulungu.**

**Luka 8:11-15 Ale, ne nhunizo ye cihwanicizo cici nha yoyi. I mbeyu yo nghani yo Mulungu. 12 Zono zalagala mu nzila, zikulajila iwanhu wono wakuyihulika nghani, hanyuma Setani yakuza yakuyiwusa yiyo nghani mu zinhumbula zaho, ho walece kwihiwila no kupona. 13 Azilya zono zalagala hono hogali mabwe, zikulajila iwanhu wono wakuyihulika nghani no kuyibocela na nyemo. Ninga nha vyono zinha zimbeyu zizo, iwanhu wawo wakuwa wasina milela, wono wehuwilaga kwa cidaha du, na kolo wakujelwa, wakuwuya ne nyuma. 14 Na zono zalagala mu mabici ge mamivya, co cihwanicizo ce wanhu wono wakuyihulika nghani, ninga mu wujendelele wawo, wakuzinjilizwa ne mahwele ne zisawo, no wiyendeze we mikalile yiyi, nawo siwakulela mikalo yono yikangaye. 15 Nazo zono zalagala mu muhangha muswanu wo wanhu wono wakuyihulika nghani, no kuyikamisa kwa nhumbula swanu na ye cihuliko. Nawo wakulela mikalo mu wukangalile.**

**Watumwa 15:11 Hamba yilece kuwa nhavivyo, ninga cihuwiye vyono, sese na weneco nhavivyo, cikupona mu nzila ye lihewa Iyo Muwaha Yesu."**

**WaLumi 8:13 Hambi hono mwikalilaje zo muwili, mbeka mofwa. Ninga ku Muhe, hono muwulaje imetumo genyu imabi, ale mowumipa.**